



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26

deli

浙字02260122号 No.6230  
得力集团有限公司









滄溟先生集卷之三



滄溟先生集卷之三

濟南李攀龍于鱗撰

五言古詩

錄別 十二首

悠悠念往路離別從此長何以酬明德攜手歸故鄉  
良時不須臾且復各盈觴仰視日月馳千載互相望  
浮雲難獨留游子暮彷徨綢繆踰皓首風波忽一方

其二

千秋一嘉遇此別安可知良時不努力賤軀欲何為  
晨風野蕭條浮雲西北馳河梁臨往路遠望令人悲



游子自有懷悠悠當告誰

其三

長思何益會久留何益歸行人悵明發寒裳路徘徊  
嘉期能再至安辭渴與饑浮雲一相失千里常依依  
我欲徃從之送子東南飛

其四

秋蘭懷芬芳依依樹前庭春華不再盛枝葉皆已零  
念昔二三子俛仰如流星羽翼一以乖邈若隔平生  
徘徊顧四海誰能喻中情結交各有時千載一濯纓  
離別不在遠日月從此征長當爲路人獨無弟與兄

尊酒可自慰願言宗令名



離別不在遠日月從此征長當爲路人獨無弟與兄  
尊酒可自慰願言崇令名

其五

乖疑起息愛離別生歡娛念子非一身中懷難久俱  
握手一相失奄忽秦與胡新知自言樂山海日以殊  
行路方未央出門思故廬浮雲沒景光北風悲有餘  
褰裳復四顧徘徊當路衢結髮在戰場皓首爲征夫

其六

四海一黃鵠千里命其儔悲風厲胡馬躑躅鳴相求  
何況同袍友從此遠行游離別無忼慨去去且復留  
白日沒邊城回首望中州浮雲西北飛河漢東南流

沈氏集 卷之三 二  
視夜當苦早寒冬正悠悠明月燭羅幃嚴霜切綢繆  
俛仰已自喻誰能不懷憂

其七

念當首徃路千里邈已臨絲竹發高堂聽我雙龍吟  
泠泠江漢流浮雲寒以陰長風激羽翼嚴霜摧北林  
慷慨有餘悲新聲愴人心游子失相視征夫淚不任  
中曲一俛仰從此無知音故鄉一尊酒願言常酌斟  
徘徊戀景光忽爲辰與參來者自非昔去者自非今

其八

高樓耿長夜攬衣歌且謠秋風一何悲游子不得驕  
明月照空牀羅帷自蕭蕭三星旣隅列河漢東南朝

高樓耿長夜攬衣歌且謠秋風一何悲游子不得驕  
明月照空牀羅帷自蕭蕭三星既隅列河漢東南朝  
黃鶴正徘徊翩翩顧其曹故鄉邈千里慷慨命同袍  
浮雲日西北安知心所勞攜手在須臾經時復漂搖

其九

河漢何皎皎衆星錯其間攬衣立前庭明月照苦顏  
悲風中夜起蕭蕭有餘寒涕淚應聲零四顧慘無歡  
往路信可懷爲樂及盛年游子不自愛故鄉豈難旋

其十

黃鶴難爲群游子常苦辛念當從此別中懷日以新  
清光皎明月遠望不可親高樓正蕭條徘徊四無人

上有千里雲其下起飈塵各言還故鄉握手道何因

其十一

窮冬盛陰氣白日西南微征人常早寐皎月照我扉  
故鄉千餘里中夜起懷歸于星駕言邁嚴霜裂裳衣  
獨行無儔匹誰知渴與饑穹廬多悲風蕭蕭邊草衰  
身在天一隅何得不徘徊

其十二

顏色無常好春華一以零悲風蔽地來四顧何冥冥  
寤言懷徃路攬衣從此興殺氣拳毛髮涕泣斷爲冰  
仰視河漢星離如水中萍景光不戀人游子豈遑寧

夜依牛羊宿日驅駑馬行努力及明時安能愛其情

仰視河漢星離如水中萍景光不戀人游子豈遑寧

夜依牛羊宿日驅駑馬行努力及明時安能愛其情

錄別 又十一首

秋風旣蕭蕭浮雲亦依依四顧但他鄉游子一何微  
駕言西北邁中道正裴徊客行無好懷萬事不如歸

其二

三星歧相視新月奉素光兩官高自出雙闕遙相望  
雲霞絢河漢機杼成文章羅幃影四座華燭搖中堂  
主人前進酒彈瑟爲清商流歎激長夜殺氣隕嚴霜  
蕭蕭墮白髮翩翩曳衣裳男兒不憔悴誰知在他鄉

其三

北風著枯林浮雲苦多陰紅顏日就衰他鄉日就深  
別離起中夜對酒不能斟絲竹含妙伎佳人懷好音  
眇眇適君意忼慨動君心罷曲一俛仰變為游子吟  
念當事行役淚下難自禁

其四

秋風西北來蕭蕭動百草蕩子無室家悠悠在長道  
紅顏能幾時棄捐一何早對客發素書零涕復盈抱  
上言故鄉好下言故人老

其五

冉冉年欲度秋蘭采間萎蕩滌千歲情結束欲何爲  
羨酒不誤人紅顏多所宜萬事自明日行樂此一時

冉冉年欲度秋蘭采間萎蕩滌千歲情結束欲何爲  
羨酒不誤人紅顏多所宜萬事自明日行樂此一時  
四座慘無言游子中心知浮雲動悠悠故鄉難可期

其六

悲風墮白日天地何冥冥招搖彈北戶河漢條中庭  
征夫苦難夜且復命新聲芳言動君子四座無不清  
人生即滿百長此千載名豈如飲美酒趙女奏鳴箏  
恍慨盡逸響慰我饑渴情惟念當離別翩翩渺獨征

其七

明月促曙光衆星西北移游子工早行起問夜何其  
攬衣出門去長當渴與饑蒺藜穿我履嚴霜薄我肌

別離矜盛年老至不自知努力事戰場淚下復無時

其八

浮雲滿天地蕩子欲安之努力事行役棄置以爲期  
少年盛音氣忼慨生別離  
筑筑無根蓬翩翩中林  
騅馬上不得語涕淚各纍纍  
君但重自愛遠道歸有時

其九

秋風動千里游子何翩翩  
早行多所懷忼慨私自憐  
嚴霜覆四野明星出高天  
涕淚一以下中道忽言旋  
踟躕戀徒侶不知身棄捐  
客從遠方來遺我繒綵牋  
故人俱白頭安得獨盛年

其十



故人俱白頭安得獨盛年

其十

昭昭秋素景明月涵金華清酒照朱顏中堂發高歌  
游子在外單結交常苦多別離動白頭人生復幾何  
悲風搖枯林嚴霜攜女蘿新知雖云樂不如早還家

其十一

高樓出浮雲零露綴綺疏明月照佳人清光相有餘  
紛何下涕淚纖纖結素書願持千里心託此雙鯉魚  
尊名不可處白髮難久居豈如及盛年駕言歸故廬  
錄別又三首

眇眇遠行客綿綿思故鄉悲風繞車鳴浮雲立馬傍

游江集 卷之三  
邊城苦多陰秋氣激繁霜白日匿何時四野一茫茫  
落木委空庭游響拂閒房霏霏羅帷影明月在我牀  
起視河漢流寥寥夜未央出亦以徘徊入亦以彷徨

其二

大江多悲風秋日澄清陰浮雲無本根天路難重尋  
故人一失所結交良苦心游子易慷慨撫劍吐哀吟  
白髮行蕭蕭繁霜悴我衿登城望四野明月照北林  
悠悠委他鄉中懷安可任

其三

去日苦太易游子無常家別離在俯仰素雪以朱華  
驅車就頽景明發泛黃河浮雲騰余征流颿激其波

去日苦太芴游子無常家別離在俯仰素雪以朱華  
驅車就頽景明發泛黃河浮雲騰余征流颯激其波  
顧眄當中原恍慨爲悲歌千里一蕭條故鄉復如何  
秋風西北起吹我游子裳浮雲從何來安知非故鄉  
蕭蕭胡馬鳴翩翩下枯桑暮色入中原飛蓬轉戰場  
徃路不可懷行役自悲傷

其二

新人一何好年頗十五餘本自貴家子秦氏有名姝  
故人行采桑值我城南隅顏色各精妙手爪亦相如  
故人工紈素新人工笙竽笙竽未詎央紈素色已渝

人生無新故夫壻自言殊

其三

懈陰有孤竹常含千歲霜截爲雄鳴管其音中清商  
豈不在人耳世已無鳳凰新聲自一時豔曲亂高倡  
安得日相御並坐君子堂

其四

十五漳河女出身邯鄲庭絲竹妙一世纖手何泠泠  
清商有餘悲忼慨爲新聲中曲若無人含意已獨明  
知音難再遇紅妝日夜零奮響發浮雲摧耳不能聽

其五

英英天上雲不照濁水泥新婚日以親賤妾日以攜

其五

英英天上雲不照濁水泥新婚日以親賤妾日以攜  
繁聲出皓齒妙舞生春姿縞綦難爲容棄如秋草萎  
念當羽翼乖依依卽路岐良人無古歡妾自中心知

其六

中天起雙闕浮雲出兩宮馳道挺其間甲第羅西東  
胡姬正當壚邀客過新豐朱脣含綠酒纖爪扣青銅  
墮髻似無意紹繞一何工眴眴正愁人流紈動春風  
雙雙羽林郎翩翩五色驄挾瑟上高樓調絲方未終

其七

胡鷹一何勁北風一何高朔方士馬地斗酒命同袍

窮冬蹙四野大獵出臨洮  
盪石響深谷烈火走平臯  
邊聲中夜起殺氣常蕭蕭  
積陰生戰場白日慘不消  
草枯牛羊瘦雪盛狐鼠驕  
引領望交河層冰正迢迢  
帝作大唐歌八伯奏卿雲  
鐘石興麓野人聲一以論  
日月發光華爛然星具陳  
沈璧十二渚岱宗乃于禋  
是時闢四門穆穆盛所賓

其二

綏綏塗山狐九尾不自多  
我徃求平定念子無室家  
明發興嶽庭乃身參洪波  
宗疏事則哀祝融揚英華  
玉牒沐日月素書出江河

明發興嶽庭乃身參洪波宗疏事則哀祝融揚英華  
玉牒沐日月素書出江河

其三

江水一何沛薄大趣歸處朝周過故墟宮室生禾黍  
傷彼西山士採薇自相茹千載睹軼詩斯人乃高舉

其四

白雲出山陵乃在天一方東土旣已洽徂西聊倘佯  
虎豹自爲群鳥鵲列成行惟帝立嘉命諸夏發其祥  
願言顧見女中心以翱翔刊石樹弁茲千載遙相望

其五

杲杲熾日羽施施掩颯旂我車旣已寫四馬亦孔柔

射夫率原隰君子循方舟揚柳橐其鮮鹿豕填相求  
多士自允異燕樂成王猷駕言徂東郊出洛朝諸侯  
白石粲南山頰鯉麗滄浪單衣裁及骭緼縷遠從商  
夜中起飯牛任車自所將爝火辟列星上客爛生光  
疾歌一不聞何謂伯與王

其七

苑彼中林鳥拚飛不集枯齒牙一爲猾公子良見圖  
矯矯上天龍霧雨旣已敷子推獨耆乾草莽空號呼  
懸書下宮門綿山聊與娛

其八



懸書下宮門綿山聊與娛

其八

莊王構魯臺乃與雲夢鄰東延洞庭石泠陽激清津  
趙魏方幸禍况此狼虎秦諫者七十二枕藉以前陳  
時非一耕夫三楚訖無人因知沮溺流用即社稷臣

其九

駕言九臯澤攬彼漸水臺粟不置蔽荆岑絕流曲池隈  
媿彼二楚士諫箴紆其才大雨忽盈河疾風西北來  
洪潦起滔天隕雹激以雷商梁正綏立僕夫行告哀  
孤虛無妄設災惑諒為災帝德睠荒淫欲去此徘徊

其十

文駟陳大庭膳肉宿所脩群婢一以盛君子乃見咻  
孰謂彼婦口於中可優游螭蛄遂盈耳鳳兮當何求  
斧柯不在手龜山鬱綢繆翱翔七十國交轍奸諸侯  
狄水衍其波罔濟非無舟駕言從吾好還轍息我陬

其十一

忽忽歲已莫太臺役方作太上美遨遊禾黍未能獲  
滯穗滿甫田風雨殫零落相國一沾襟罷酒不爲樂

其十二

貪吏常苦富廉吏常苦貧不見孫叔敖其子行負薪  
五霸相代興主烈難爲臣令各有遺封餘財喜没人  
寢丘雖言惡千載功無湮

五霸相代興主烈難爲臣令名有遺封餘財喜没人  
寢丘雖言惡千載功無湮

其十三

闔閭爲無道厥欲如蛇豕薦食視上國乃政從楚起  
昭王在草澤群臣不復紀使者哭秦庭七日未得理  
入郢旣已甚丘隴行見簞感茲告急言誓彼同袍士  
賢臣亦多術存亡尤獨羨

其十四

吳王旣棲越出遊包山湖道逢一丈人邀我洞庭隅  
靈墟發深藏中有神禹書大文祕天地乃傳百六初  
金簡歆浮景玉宇回璇樞科斗不可辨鳥跡互盤紆

精華一以洩厭氣直國廬顧見二室顛三石方扶疏  
其十五

薛公得馮驩門下知者誰十日居傳舍乃問客所爲  
先生惟一劍彈鋏何其悲授室締高國驅車出中達  
主人意已厭同列寧見推田文旣失位傾身與持危  
片言悟齊主復相名益垂竒士多侮世藏用匪可窺

其十六

中春陽和起嘉觀臨四方刻石頌功德從臣紀攸長  
上以獻泰成下威六暴強郡縣乃作始經緯不踰行  
薦號立大義昭設咸有章濯俗諒已美刑名非恒常  
鞭笞出頑夫二世尋滅亡

薦號立大義昭設咸有章濯俗諒已美刑名非恒常  
鞭笞出頑夫二世尋滅亡

雜興十首

伯牙負高操引曲輒入神從師蹈東海延頸四無人  
洪波盪大壑悲鳥方號群白日坐失色山林忽不分  
精氣一以變此調得其真世俗蔽聞見千載迺相因  
遺世伎始妙絕絃多苦辛自非鍾子期古道難具陳

其二

離朱不逆景師曠不逆風所用一以失化爲瞽與聵  
轡策出大御繩墨出巧工顧眄即千里結構結層穿  
束手寧自甘徇人道乃窮

其三

良林出大國群構集明堂樽櫨相支持榱桷碩且長  
飛棟鬱雲興高軒間重梁衆人稱壯麗輸子起彷徨  
柱小亦已撓朽蠹處中央迨天方晦陰室家羅四廂  
行者苦無庥君者歌慨慷風雨一漂搖不知僵路傍

其四

良馬躡路岐善言躡嫌疑稱樂自云早日月寢已馳  
黃金不可作美酒多所宜清風響高唱令德含妙辭

其五

太元秉經緯天地自生成陰陽遞消息四時相虛盈  
雷雨鼓神氣日月宣華英網緼交二儀周流列五行

太元秉經緯天地自生成陰陽迥消息四時相虛盈  
雷雨鼓神氣日月宣華英網緼交二儀周流列五行  
至和液甘露盛德厭欒槍唐虞具法象明良熙穆清  
垂衣御三事大治無常名

其六

翩何漢宮女紅妝鬱熒熒本自良家子十五克後庭  
是時得上意寵至身逾輕貴幸霸天下妙麗傾人城  
詔許領椒房嬪御無不驚脣如齧齒丹飴齒如鏘玉聲  
一當萬乘主常含中道情絕色動千載旦夕誰見明  
美惡懸盛衰棄置視合并所以尹婕妤顧眄失平生

其七

詭時苦難遇直道苦不華  
挈餅羸衆口繩墨矯群邪  
所以上古人工拙無常家  
陸沈金馬門醉即據地歌  
世久自相玩爲德一何多在群  
旣纍生孤貴亦失和  
首陽與柳下一龍復一蛇  
同流雖所願跡邇心則遐

其八

鴻鵠一以舉四海何悠悠  
局促人間世豈若遠行遊  
明時不重至中懷難久留  
遇合成佞倖美女多所仇  
英雄旣失據片語解綢繆  
所以孔仲尼舍車即于浮

其九

洞庭大張樂千乘朝昆侖  
在昔有行幸軒穆一何尊  
樓船下河東羽衛覽西垠  
風起白雲飛隴首望中原



洞庭大張樂千乘朝昆侖在昔有行幸軒穆一何尊  
樓船下河東羽衛覽西垠風起白雲飛隴首望中原  
簫鼓發哀情長馳晻回轅入齧妃女唇出接詞客言

其十

名馬不受羈足下有千里黃鵠不受羅羽翼就四海  
貴賤自一身出處無二軌時利適愚夫勢衰蹶智士  
祛長不握臂履縮不截趾陸沈人間世悠悠日復爾

雜興 又十一首

鴻鵠摩蒼天萬里一翱翔迴颿生羽翼浮雲爲低昂  
畢逋城上烏黃口自成行俛啄仰相嚇徘徊腐鼠傍

其二

大魚鼓長鬚捷若舉帆幢夜驅蒼梧風凌晨浮九江  
怒擊胥山濤洪波爲洶洶本圖運南溟中更不相容  
何言一失水湖海難再逢寧如涸轍鮒斗水得所鍾

其三

江南有佳人桃李翦朱顏宕子行從軍閒房重其關  
明月一徘徊形影自翩翩秋氣響羅帷蕭蕭難獨眠

其四

鳳棲十圍幹龍翔九回流圓景朝列宿五嶽尊陵丘  
聖人膺大命多士自相求稷契功不刊唐虞德無儔  
神明盛驅使衣裳美優游詩書監二代孔氏乃宗周  
在昔紆天經群后有綢繆艱難戴王室千載成咸休

神明盛驅使衣裳美優游詩書監二代孔氏乃宗周  
在昔紆天經群后有綢繆艱難戴王室千載成咸休  
其五

長離自鳳雛元馬乃龍子文采成九苞骨法本千里  
箕頰出高人巖穴有知己抗迹唐虞庭清風振薄鄙

其六

南山有竒鳥朝陽曜其文下來蘭池飲羅網正紛員  
雖復就長纓徘徊懷不群枳棘無安步哀鳴激清雲

其七

翩翩西北風蕭蕭枯桑林登高使人望秋氣悲我心  
叢臺蔓寒草易水清且深當時燕趙士忼慨有遺音

其八

駕出薊北門東望元英宮高臺造浮雲碣石來悲風  
客卿既裂地戰士亦論功稱系遷大呂昭王氣何雄  
汶篁一不植千里生飛蓬

其九

逍遙臨蓬池言陟梁王臺還顧望大河洪波渺悠哉  
飛雪蔽中原北風千里來馳驅名利途無駿不駑駘  
精衛自微鳥東海生塵埃

其十

古今一旦暮俯仰成興衰不見桑榆雲千里相蔽虧  
黃金苦易盡紅顏安可爲如何膏梁士拂拭使人悲

古今一旦暮俯仰成興衰不見桑榆雲千里相蔽虧  
黃金苦日易盡紅顏安可爲如何膏粱士拂拭使人悲

其十一

萬事無不有何言能自持巢由乖世度高行衆人疑  
俯仰在當路得喪未可期湯火煎太和傾側使神危  
終身繫羅網失勢還相欺念我平生歡臨觴命妖姬

古詩後十九首 并引

前有十九首故後言之猶稱古者其文則  
十九首也其文則十九首而以屬辭辟之  
制轡筴于堙中恣意於馬使不得旁出而  
居然有一息千里之勢斯王良造父所爲

難爾

其一

行行萬餘里依依憂故鄉見君累長夜攜手立彷徨  
寤言心尚爾忽在天一方越鳥東南飛胡馬鳴相望  
矚睽人自好棄捐人自老徘徊亦何益努力苦不早  
思君度餐飯歲月漫浩浩慷慨即別離故鄉勿復道

其二

搖搖車馬客依依燕趙女沾沾倚筭立交交夾窓語  
盤盤高結出颯颯中帶舉浮雲忽自歸蕩子漫無所  
天寒錦衾薄空牀難獨處

其三

天寒錦衾薄空牀難獨處

其三

白石何歷歷松柏何離離人生天地間一日不可知  
斗酒無常置良會無常期沈吟厚與薄爲樂無乃遲  
宛洛美游戲冠帶自相隨宮闕起雲中第宅羅四垂  
王侯負貴氣佳客以盛衰君但視車馬攬策振其綏

其四

良會屬今日彈箏倚新聲唱苦令神傷三變不可盈  
中曲忽心自置躑躅一再行欲因更促柱難爲聽者情  
人生局一世悠悠終何成要路多坎壈先秋慘其榮  
來者率如此焉知千歲名

其五

三五樓上女徒倚當雙扉紅妝妙一世誰不攬容輝  
絃歌入青雲新聲亮所稀千載爲一彈含意有餘哀  
知音難再得且復立徘徊終日不成曲零涕沾裳衣  
三歎令人老游子何時歸

其六

燭燭芙蓉花擢擢采蘭婦懷袖忽已盈馨香誰爲有  
秋草一以萎此物難獨久馳情一水間無因携素手  
其七

搖光加孟冬北風何慘慄寒至疎衆星蟾兔亦早缺  
四時旣潛移遺迹難獨列不知空牀下蟋蟀安從出



搖光加孟冬北風何慘慄寒至踈衆星蟾兔亦早缺  
四時旣潛移遺迹難獨列不知空牀下蟋蟀安從出  
宛洛多故人厚者如膠漆及其據要路負我道非一  
織女無成章牽牛策不發且復守貧賤振翮各有日

其八

浮雲何冉冉亦在南山阿千里遠徘徊游子苦無家  
昔我同門友策馬驅高車兩宮屬眄睐冠帶日逶迤  
致身及盛時結附一何多極宴累長夜重闈發絃歌  
白露忽以零迫此蕙蘭花芳草隨颺塵誰能顧女蘿

其九

獨鶴西北逝逸響一何哀念當生別離欲去復徘徊

不惜寒氣厲但傷羽翼摧我有鴛鴦綺無衣誰爲裁  
其十  
耿耿織女星當機理紈素牽牛能幾許常爲投杼誤  
紈素欲遺誰終日西北顧負軛復何時軒車歲云暮  
攬衣即河漢躑躅不得度

其十一

高樓出西北下有故鄉道浮雲蔽天起回颺響秋草  
四時更相至人生自着老傷彼遊子顏戚戚難獨好  
携手不須更棄捐一何早努力以爲樂泣涕復盈抱

其十二

東城屬浮雲阿閣百餘尺歲暮多悲風游子衣裳薄

其十二

東城屬浮雲阿閣百餘尺歲暮多悲風游子衣裳薄  
四野何蕭條所遇但遺跡來者自爲今去者自爲昔  
盛年奄已衰含意將安適燕趙出名倡紅顏照死洛  
結束隨時變絃歌日相索未彈理懷袖若在遠行客  
弄指一何妙列柱一何迫馳情視雙燕飛入王侯宅

其十三

磊磊丘與墳鬱鬱郭北地白日松栢陰悲風四面至  
誰能黃泉下未令未伸意悠悠即長夜千載一以棄  
漫漫待明發迢迢正遙寐身世非膠漆豈得常相寄  
此物無賢愚萬歲更相致神仙不可知服食苦中置

美酒與佳人攜手行遊戲

其十四

郭北一極望徘徊安所如  
新墳歷歷出古墓附里閭  
薪者躑躅歌棄妾迴其車  
白楊日夜疎蕭蕭悲有餘  
三歲去故鄉一字無素書

其十五

處世苦無見孤生非所憂  
高言唱同心千載一相求  
窮賤解膠漆棄置衰交游  
昔我同門友上書哀王侯  
明月皎夜光躑躅不得投

其十六

迢迢月旣明白露被庭中  
越女前理音燕服羅清宮

其十六

迢迢月既望白露被庭中越女前理音燕服羅清宮  
交游自遠方文彩復無雙駕言出廣陵將以適曲江  
聊慄此何氣攬觀不可窮帷車蔽日下萬馬悲回風  
水力率已至神物難爲容秉意屬南山浩蕩惟所從  
主客變其度陳唱誰與同極命以成章娛樂良未終

其十七

孟冬風已厲攬衣有餘歎獨宿知夜長遠客知天寒  
河漢直雙闕皎若素與紈黃鵠從西南孤飛正漫漫  
一鳴緩中帶再鳴霑玉顏遊子不可聽令君中道還  
所以生別離慷慨亮爲難

其十八

客從洛浦至遺我合歡衾中有長相思緣以結同心  
芙蓉發文彩鴛鴦屬哀吟遊子正無衣天氣復已陰  
故人此屬意徘徊獨至今

其十九

皎皎羅帷月攬之有餘輝寤言守長夜依依未能歸  
故鄉無不可道路亦何爲客行各所懷誰知我心悲  
出門一以望浩蕩霑裳衣

君子行

君子美百行維日服厥喪車奔不易履火滅不改容

垢言一生口盥漱難爲工金多徒自穢重名撓直躬

君子美百行維日服厥喪車奔不易度火滅不改容  
垢言一生口盥漱難爲工金多徒自穢重名撓直躬  
幸勿少須臾無替功乃崇九淵可浮游所患溺愚蒙

遠遊篇

乘躋萬里外言造太微庭雲霞曜朱闕日月夾丹楹  
群后儼金止仙女紛玉亭隨風列以雨出窈而入冥  
沆瀣飛素液芝草不復零虹霓爲我帶雜佩搖華星  
濯纓纓河漢流清波正泠泠俯視世間人汎汎如浮萍

太山篇

大東有神嶽專名爲岱宗日精攝海氣吳野控其峯  
明堂朝列后金策紀元功維昔七十家軒轅此登封

法苑珠林  
卷之三  
三一  
雲霞自窈窕石室何青蔥仙人攬玉樹鬚髮生清風  
靈液飛滉潏芝草如蒿蓬唯帝擁靈符千載一升中  
願言與問道乘龍舉太空

滄溟先生集卷之三

滄溟先生集卷之四



滄溟先生集卷之四

濟南李攀龍于鱗撰

五言古詩

建安體三首

轉蓬遇回風千里一遨遊  
良時不自愛汎汎亦何求  
西來旣迂怪周孔以墳丘  
患無紛葩名年往非所憂  
烈士多壯心對酒苦難酬  
枕石太華顛俯漱江海流

其二

北風正徘徊繁霜以霏霏  
經過至朔方惆悵我武威  
白骨何籍籍鎧甲貫瘡痍  
猛獸蹲高岡狐兔失故蹊

伐薪缺斧斨飲冰膠馬蹄遠行多苦寒中路渴與饑  
是時一介志悠悠誰當知

真三

河漢懸清光三五正參差西北起浮雲霏霏風入帷  
白髮一何早隱約當待誰快獨飲美酒登臺臨華池  
趙女蕩竒舞秦箏繁且悲憂來亦有方安得常相隨

代建安從軍公燕詩并引

魏三祖及子建諸子間各臨戎義有紀列  
久當逸失不獨王仲宣五篇又公燕一章  
應阮侵不就次與仲宣從軍詩過意諷婉

均之未盡所長今各代作二首云

應阮侵不就次與仲宣從軍詩過意諷婉  
均之未盡所長今各代作二首云

代文帝

長驅下廣陵觀兵東南疆方舟被大海萬騎紛縱橫  
旌旗隨波靡組練遠茫茫中流震金鼓士馬何激揚  
鎧甲生悲風千里一鏘鏘白羽所漂搖浮雲自低昂  
撫劍登高城我軍正相望零雨有遺篇味言難可忘

代明帝

太常摩回颿旗幟何翩翩屯吹彌故壘列舟竟長川  
登檣望四野蕭條無人煙高墉走狐兔荆棘動參天  
撫劍下中流甲士羅東西賦詩寫其懷隨波以潺湲

從軍在萬里惆悵私其憐

代曹子建

丈夫志萬里忼慨事四方  
我后振威靈六軍乃激揚  
分旗建東嶽耀武臨江湘  
鳴鏑控流颯利劍捷秋霜  
長驅下淮泗人馬自生光  
戈矛何參差方舟正縱橫  
何言爲國讎一舉披舊疆  
解徒旃言入歌舞旋許昌  
離宮大饗士勞賜以次行  
君子念在御賦詩垂華芳

代王仲宣

方舟何翩翩素波亦蕭蕭  
蒹葭澹餘映長檣激流颯  
撫劍登高防人馬且逍遙  
空城何所有殺氣蔽蒹葭

日夕見煙火四野飛蓬蒿  
邊聲起大江誰知我心勞

撫劍登高防人馬且逍遙空城何所有殺氣蔽蒹葭  
日夕見煙火四野飛蓬蒿邊聲起大江誰知我心勞  
從軍殊復樂菲薄愧鉛刀

代陳孔璋

浮雲肅四野流飆殷悲音邊地一何苦慷慨難爲心  
飲馬長城下水寒窟且深白骨撐路出殺氣駕重陰  
將建大舉功于戈日相尋騁哉書檄馳縱橫正如林  
身在記室中慊慊匪自今男兒念鐘鼎誰能常滯淫  
代徐偉長

自我出從軍涉旬東南行文學託後乘顧瞻亦已深  
中流萬艘集陶陶層波生淒風旗幟繁秋日戈甲精

沈陰結戰氣唯聞金鼓聲壯士何飛揚各願一先鳴  
志已馳九關豈但懷不庭雖君在只尺搔首未遑寧

代劉公幹

我后赫斯怒整駕東南征六軍如飛集列植龍陂城  
皚皚霜風至肅肅戈甲鳴長飆轉沙礫仰視白日冥  
流波一何勁金鼓悲且清連鳶下青雲毛血灑隰坰  
發機入微妙觀者無不驚壯士以忼慨各奮先登情  
釋此薦嘉客濡翰敘平生篇章信綺麗新詩雅以精  
小臣在緹幕起坐懷同聲戎事諒非難但恐沈痼嬰

代應德璉

樹影鬱鬱西北雲千里驅重陰臨江大耀士方舟載浮沈

代應德璉

鬱鬱西北雲千里驅重陰臨江大耀士方舟載浮沈  
連波響風雨長縹紛悲吟分曹命超距逸氣不可禁  
君子在行伍常懷饑渴心非不愧細微良遇日以深  
故山何時旋徘徊中自任

代阮元瑜

高城苦多陰秋日殊復悲邊聲薄暮起但見浮雲飛  
霜氣勁且繁河漢寒無暉三星何躑躅皎月正徘徊  
流飆西北至征馬鳴相依自知從君樂誰能常不歸

公燕詩

文帝

流漢集 卷之四 四  
置酒高臺觀逍遙芙蓉池兄弟夜行游貴客鬱參差  
明月照長筵羅纓何霏霏翩彼衆君子展詩奏新辭  
絃歌入微妙忼慨使心悲流塵蕩清響綺麗有餘姿  
吐握苦不悉人生安可爲在昔無樂方彼此同一時

明帝

三五明月滿四七靈宿繁清夜美行游置酒西苑園  
華池濫輕波芙蓉一何鮮飛蓋拂流景隨風自潺湲  
主人延貴客竟席列豪賢絃歌徹中堂羽爵騰我前  
微音喟有和甘醪發芳顏樂哉殊復樂君豈不俱然

子建

流颯起飛棟群星集櫺軒月出芙蓉池清光滿西園



子建

流飈起飛棟群星集櫺軒月出芙蓉池清光滿西園  
侍者夜行觴綺縞一何繁玉顏可攬持顧眄屬所歡  
華鐙正徘徊步障隨風還絃歌蕩層臺激響拂潺湲  
公子多憂客從橫各成篇主人自和氏披褐將誰愆  
絕纓紛陸離墮釵復闌干取樂此一時嘉會良獨難

仲宣

浮雲撤重陰流焱四座來西臨栢陽山南望銅雀臺  
回首出中原曠然千里開公子大置酒絃管間行柝  
華鐙吐清光飛蓋自徘徊古人一含情于今安在哉  
亂離常苦多歡極令我哀

孔璋

羈客心無娛閒居日悠悠駕言侍高會公子招我遊  
凱風飄拂鬱素暉蕩清流中庭煥綺樹芳蕤自沈浮  
登臺遠顧望高下見原疇肅肅山谷悲黯黯陰氣收  
篇章時問作羽觴不及投逍遙何以立功名爲相求

偉長

高臺鬱鬱我其下臨清池黃鵠比翼遊淫魚戲漣漪  
微風起水裔朱華紛陸離綺羅旣生色笑歌不自治  
旨酒但相屬羽觴隨波移人生寄一世歲月忽如馳  
豈忘誦君恩賤軀未可知

公幹

豈忘誦君恩賤軀未可知

公幹

月出西掖垣雙闕鬱蒼蒼白石爛素波蘋藻旣金塘  
方舟轉清流飛蓋紛翱翔輕飆灑前庭明鐙皦中堂  
淥酒溢尊壘嘉穀充圓方公子多妙製藻思何縱橫  
高談自寵珍濡翰安能詳嬰疾日沈痼簿領非所長  
願言貽令德僂俛不可忘

德璉

群士諧佳會置酒君子堂清言解饑渴四座生芬芳  
雲雨濯高翼沙石明夜光連篇命音響好合興文章  
三臺開藝苑愛客擅詞場伸眉就有慰千載以爲常

元瑜

知已難再遇攬衣及良辰天衢飛高翼清流濯纖鱗  
搖落易爲感孰能愛此身恩義我不潛暢舉座皆異人  
公子善養士中外常所親侍會此高堂羽觴何紛員  
翰墨風雨集興文若浮雲翩翩致足樂願言守明真

效應璩百一詩

殺函命關谷涇渭達黃河終南旣面列沃野開其阿  
帝王信佳麗天府鬱嵯峩銅雀鳴雲中員闕夾丹霞  
三秦盛西氣小戎乃遺歌揚馬翼炎光流風激頽波  
使臣典文字執憲臨群邪春秋大校士與世陳四科

祇役在末位興言念

皇家筐筭有璽書翩翩爲國

使臣典文字執憲臨群邪春秋大校士與世陳四科  
祇役在末位興言念 皇家筐筭有璽書翩翩爲國  
華

感懷 八首

寥寥高秋氣涼風激中庭明星一何的皓月復泠泠  
清夜使心悲幽人起屏營羅帷徐動搖丹鏡發寒榮  
短歌易慷慨伏枕通雞鳴伴侶稍稍單獨立非其情

其二

四海一流覽爲樂遽何央經傳有依因大雅未淪亡  
知名自前代騁翰各專場微音可通靈新辭協宮商  
綺麗漫星陳江河鬱縱橫豈不多苦心世士竟茫茫

中原二三子春秋足翱翔離別致倉卒千載不相當

其三

明珠出大海豫章擢清雲宗臣開國功王佐難其群  
公朝日舉士愚者其不聞披褐玩明時騁翰流華芬  
分適中自諧知己俟其真磬折難爲容彈冠各有人  
誰令君獨往踟躕失要津

其四

明堂饗良元祚稱歲朝京師侵晨宴鸞臺日夕宿蘭池  
翩翩佳公子三五相追隨十千平樂酒羽爵何參差  
長歌激清風顧眄生光輝乘我徑寸翰興文一如飛

旁人徒嗷嗷匹侶當自知離別難預圖樂往自悲

長歌激清風顧眄生光輝乘我徑寸翰興文一如飛  
旁人徒嗷嗷匹侶當自知離別難預圖樂往自成一  
仰觀素雪流俯見朱華披棄置安足陳亡沒無還期  
百年譬言影響倏忽誰能持

其五

在我遊 帝京馮寵私自竒當年值數子無復新相  
知中原一顧眄凌厲有餘姿用身常苦拙此志安得  
施浮沈託大道四海一棲遲時俗溺鄙議長往不可  
追願言反衲服白日且逶迤酒中念故人千載爲等  
期

其六

鴻鵠不嘯侶鷲鷲難爲儔雙美無常玩江漢故分流  
堅芳喻蘭石千載一綢繆佳言盈耳哉良時安可留  
在昔誇中原數子從我遊

其七

孤行苦難立耿介傷其躬世路有姿態悠悠安所終  
羨服光照人言笑一何工抱鼓若籟箛磬折如轉蓬  
輕薄不可視妖蠱誰能窮車馬從狹邪棘生九衢中

其八

浮雲翳高城回颿生戰場金鼓使人悲旗幟亦亟揚  
千載一如此丘隴迤相望奈何轉蓬士翩翩常必想傍



千載一如此丘隴迤相望奈何轉蓬土翩翩常恐傷  
酬皇甫虞部

青陽一何麗冉冉西南馳言念庭中樹率已萎華滋  
昔我同心友懽宴及良時攜手理清曲各謂無人知  
天衢多高足冠蓋自相隨所願不與俱朝親夕生疑  
含意戀明世皓首爲君期諒茲久識察紅顏坐盛衰

寄許殿卿

西山匿冬日北風悽以繁念茲歲方晏徘徊白雲垣  
俛首事尺牘儋石聊自存悠悠塵中心夙昔非所論  
感彼碩人情獨歌矢弗諼庶此涉時艱遂用安丘園  
路傍磬折子高足策華軒咄嗟金蘭客來當蹈斯言

賦得何仲默

仲默自天秀弱齡負遐矚十六遊京邑藝苑死策高足  
揮毫坐華觀懷人理清曲歸來放情志日晏從所欲  
結好玩遺芳明德以相勗古道諒寡諧遂令傷局促

五子詩 五首

王元美

元美何翩翩夙昔秉靈異京洛多冠蓋操觚各自媚  
所遇無此物識曲聽其為大雅久沈邈時清作者至  
俛仰知音稀含茲未伸意但坐奮逸轡側身向天地  
虛名喜誤人依依千載事浮雲相攬持白日一高視

四顧命儔匹中懷誰可致凌厲子長氣文章此未墜

虛名喜誤人。依依千載事。浮雲相攬持。白日一高視。  
四顧命儔匹。中懷誰可致。凌厲子長氣。文章此未墜。

吳明卿

吳生蕩滌士。明德復何早。高舉凌風翮。青雲漫浩浩。  
良時冠帶會。斗酒弄辭藻。一彈中清商。下里難爲好。  
知音率已稀。隱几存吾道。衆言紛盈庭。膠漆各自保。  
掩耳走淆亂。褰裳度潢潦。罵坐豈盡狂。流俗令人老。  
陸沈金馬門。懷袖諫書草。白日有棄捐。遊子悲不造。

宗子相

婉婉維揚士。早歲絕人識。結撰有至思。先民乃遺則。  
時俗徒嗷嗷。此物知者得。鬱鬱獨徃心。百折江河力。

披覩他自媚我意安所測念茲携手驩榮名與令德  
浩蕩陰陽移吾道相終極語及千載事愀愀動顏色  
中懷誰可喻文章亦經國一爲麟鳳言三歎加餐食

徐子與

徐生一何俊本自青雲姿十年住天目含意多素辭  
旣聞風雅音三歎文在茲眄睠生榮名徒倚即前綏  
念爲理清曲高言倡者誰躑躅流俗間攜手不相疑  
時髦滿要路各謂中心私世人豈同願吾道欲委蛇  
黃金買大藥朱顏庶可持物理率如此和光難獨窺

梁公實

梁生起南海負氣何倜儻北交中原士徘徊得吾黨

梁公實

梁生起南海負氣何倜儻北交中原士徘徊得吾黨  
高名豈宿著一朝奮鴻響時俗旣淆濁振袞念獨往  
禮法難爲工局促向天壤王喬可等期服食理非枉  
引領還羅浮願言稅塵鞅俯視大河流逶迤浮雲上  
盛衰隨物化世情自鹵莽吾意當告誰黃金妬偃仰

二子詩 二首

盧次榎

盧耨起河朔本自千金子蕩滌諸生間銷骨於積毀  
世無臨邛令焉得心尚爾深文類繆荅罪罟中狙喜  
乃繫黎陽獄十年攻一技旣出浮丘賦始知有株累

三嘆不同時帝曰付諸理寥寥相如後誰能識察此

謝茂秦

謝榛五言黨彥輒軻京華陌黃金自不留朱顏亦已擲  
韋布豈盡愚咄嗟名士籍握手金閨人中情多所適  
冠蓋羅長衢染翰日相索遂令清廟音乃在褐衣客  
一出遊燕篇流俗忽復易還顧望鹿門矯矯青雲翮

酬元美 二首

妾本秦宮女少小揚蛾眉早辱君王寵朱顏驕自持  
卷衣皆羅紈明珠縱橫垂頭上翠琅玕爵釵珊瑚枝  
盛年處深殿容華天下知一朝在里巷遂爲生別離  
此身託古歡南山猶可移東隣蕩子婦泥沙委路岐

盛年處深殿容華天下知一朝在里巷遂爲生別離  
此身託古歡南山猶可移東隣蕩子婦泥沙委路岐  
中心指秋日同穴乃所期

其二

有鳥名黃鵠乃在琪樹柯下來太液飲啜啜荇與荷  
周游視中上少年多羅家金衣菊爲裳不受贈繳加  
一舉絕四海離哉天可摩毛羽未摧頽鼎俎奈爾何  
再答元美二首

盈盈猗蘭花深谷何逶迤秋風凋奇樹隕擗以歲蕤  
含英即蔓草不復揚華滋豈無王者香結根非其宜  
孤生感霜雪采折中心知幸君置懷袖慰此長相思

亭亭西山栢自茂凌寒姿下流難久居壯士多所悲

其二

采苓首陽巔青蠅止于棘結髮奉歡宴栢舟矢靡慝  
上堂理琴瑟下堂視蠶織昵若形與影在遠復相憶  
豈不防未然萋斐成罔極愛深生百憂棄捐衢路側  
賤妾抱區區中道蒙察識琴瑟聽其真蠶織五文色  
非君膠漆心群小志亦得

郡齋同元美賦

遊子苦行役驅車自溟渤依依平生親斗酒日云沒  
秋風亦已厲蕭條衆芳歇何以贈君子徙倚攬明月

燕婉當及時霜雪變華髮高足蔽天衢浮雲望雙闕



秋風亦已厲蕭蕭條衆芳歇何以贈君子徙倚攬明月  
燕婉當及時霜雪變華髮高足蔽天衢浮雲望雙闕  
令德一見疑積毀能銷骨中懷不復喻邈若胡與越  
綢繆有故人知音無倉卒常恐遠別離含意向明發

送元美 二首

有鳳銜靈文栖栖北海湄臨流理毛羽五采以自竒  
飛如摛群星擊若朝霞披翱翔千仞岡亦集梧桐枝  
一鳴叶清廟再鳴中咸池淒風振大野青雲顧我悲  
世無伶倫耳誰爲度參差回首顧丹穴摧藏不可持  
將止帝東園恐令鷓鴣知阿閣在萬里哀號乃見疑  
啁啾榆枋間燕雀相追隨清光蔽白日何當復來儀

其二

夙昔二三子，忼慨揚奇聲。文章凌先秦，詞賦無西京。  
零落如流星，各懷饑渴情。念爾策高足，北海日以清。  
顧眄當中原，冠蓋徒縱橫。明發詠蓼莪，依依戀所生。  
悲風薊門來，涕泣霑我纓。解帶謝時人，驅車薄姑城。  
千里見大河，躑躅浮雲征。罷酒不能別，蕭蕭駟馬鳴。  
骨肉非一身，意氣乃合并。景光老自愛，率已識榮名。

答寄俞仲蔚二首

太乙貺漢德，名駒生溼洼。赤汗霑青雲，長嘶振流沙。  
儼齧玉山芻，渴則飲其涯。翹尾以躑躅，駒駘相經過。  
不願游閭闔，况乃服鹽車。世豈無伯樂，垂耳奈我何。

儼齧玉山芻渴則飲其涯翹尾以躑躅駒駝相經過  
不願游閭闔况乃服鹽車世豈無伯樂垂耳奈我何  
天子發素書使者出蹉跎駢駢十二閑駑馬常苦多  
雖有千里姿羈絆非所加

其二

鬱鬱龍門山下臨千仞谿孤桐生其間幹與浮雲齊  
湍水擊其隈迴波蕩其涯野火燔其東飛雪塗其西  
莫則止黃鵠朝則啼鷓鴣悲風從天來清商以淒淒  
伯牙不能去傾耳中自諧匠石空扼腕運斤路何階  
琴瑟和神人無乃非其懷結根既已異雨露難獨乖  
願言俯大壑徃就長離棲

送李明府入奏

西北夏雲列飛蓋亦相望供帳被城隅父老皆扶將  
天子秉百度作新大朝堂棖桷曼且碩掄才自南鄉  
山河俯壯麗肅穆垂衣裳是時薰風至五月開未央  
既奏解慍曲或和斯干章 聖顏慰饑渴 帝心簡  
四方家宰上績書召見伏明光用等課高第視事稱  
維良小臣奉威靈不得施其長誰謂一邑輕治行乃  
無疆願言備侍從珥筆述陶唐策勲諒有期遺愛匪  
可忘

許殿卿郭子坤見枉林園 二首

明時再嬰疾隳官此悠悠未言命沮溺二子乃從游

許殿卿郭子坤見枉林園 二首

明時再嬰疾隳官此悠悠未言命沮溺二子乃從游  
田家何所有樽酒結綢繆散髮坐園中轆轤牽寒流  
擊我青門瓜聊且克庶羞雨氣蕩暄濁披襟御南樓  
開軒納山色餘映一以收雲霞羅四隅烟火蔽林丘  
伏陰秀禾黍餉婦媚原疇西望華陽宮若見清河舟  
登臨信亦美曠然銷人愁願君愛景光多暇還相求

其二

佳客即良夜此會安可期結髮爲兄弟晤言今在茲  
層臺挺浮雲河漢窈其垂積陰濯列宿三五正參差  
前山殿影亂雨勢坐已移皎月出平陵徘徊當照誰

清光澄暑氣，颯若撤長帷。  
潦水明樹間，流飈澹華穠。  
零露響空林，蟪蛄以鳴悲。  
世路良獨難，斗酒多所宜。  
達人忌榮名，千載同一時。

杪秋同右史南山眺望

南山有幽意，駕言此徘徊。  
湖波蕩寒城，四座清光開。  
金天澄素景，秋氣何悲哉。  
繁陰逆白日，浮雲間往來。  
落木颯中林，流湫激巖隈。  
朝昏上煙火，原隰被樓臺。  
故鄉無滯淫，世路多塵埃。  
念我平生歡，離思壯難裁。

九日集殿卿池亭分賦二首

卜幽命詞客，冠蓋至如縻。  
白雲澹蕭晨，黃花媚新醞。

灑翰湖山清，開樽魚鳥近。  
零露偃池荷，淒風攜籬槿。

卜幽命詞客冠蓋至如縻白雲澹蕭蕭晨黃花媚新醞  
灑翰湖山清開樽魚鳥近零露偃池荷淒風攜籬槿  
徑回片橋出林暝寒城隱臨流濯長纓飄然祛塵坻

其二

寒空鵲嶺秀霽野湖水闊墟落散城隅池亭入幽豁  
雲陰出水鮮石色含霜活白鳥下煙際歸鴻起天末  
返照欵長林群流亂相聒紫蟹壯可持濁醪美堪掇  
秋高吹臺興老劇文園渴佳節有獨醒吾生豈云達  
集張使君別業

清河迅寒流金輿杳空翠秋氣下高原蒼然西北至  
返照散踈林蕭條烟景異零落復佳期茅茨况幽致

握手平生人笑談  
出往事舊游數子盡  
風流吾黨備  
千金抵白髮  
一醉滿君意

秋夜白雪樓同許右史襲茂才分韻二首

林烟既曳綃  
湖霞亦披絳  
雞犬靜荒村  
蓬蒿翳深巷  
燒微見月出  
鐘清識霜降  
各稱浮白樂  
未覺呼盧戇  
更賦梁園雪  
如流華渚虹  
預愁還城邑  
車馬紛相撞

其二

返照入平陵  
白雲出西隴  
天清鴈影澹  
山空嵐氣重  
三徑何蕭條  
高人乃接踵  
諸生稷下秀  
詞客梁園寵  
松菊有佳色  
琴樽亦愔愔  
但醉不須眠  
寒燈坐相擁

送許由入得弟字



松菊有佳色琴樽亦從通但醉不須眠寒燈坐相擁

送許史得弟字

秋風一蕭條白雲自相綴翩翩爾曳裾慘慘吾公袂  
鼓楫大河流揚帆下衡衛平臺壯登眺鄒枚儼兄弟  
旣出兔園篇頗兼子虛製詞賦有知遇王門即恩惠  
集開元寺

流陰拂層岑返照翳深谷古寺入蕭條迴巖抱幽獨  
梵影淨香臺鐘聲殷石屋絕壁棲禪誦懸厓下樵牧  
秋花雨還瘦老樹霜逾禿寒泉可瑩心白雲况極目  
登臨客自佳搖落時何速蔬色蕩腥羶苔光青簡牘  
新詩發神秀舊游耿初服歸來杖屨便老去煙霞伏

高城出睥睨燈火通林麓言旋轉多興後期此同宿  
答張秀才問疾

青陽蕩積晦素雪亦云熙仲月陶嘉樹閒庭暖流滋  
微風中夜興清光動遙帷殘燈出四壁鐘鼓一何癡  
閉關抵百役內熱耿于罹養痾終年歲人生能幾時  
服散代晨餐七箸厭相持哲夫秉大觀一往不復疑  
所愧乏明德盈縮無常期

寄題離蕢園

二首

芙蓉媚昭質初服一何好繁霜日夜零悲風起中道  
鷓鴣旣已鳴所遇無芳草馳騫終年歲紅顏足用老  
美人怨遲暮廻車自不早蕪穢沫榮名同心以相保

鶻鳩旣已鳴所遇無芳草馳騫終年歲紅顏足用老  
美人怨遲暮廻車自不早蕪穢沫榮名同心以相保

其二

蘭生有幽性零露峻其姿含芳在空谷清風來御之  
孤根亦何傷衆草故難爲萎絕同糞壤中情君豈知  
願言置懷袖延仲及良時荃茅一以化奈此葦與施

贈元美兄弟

唯帝饗金石拊髀封疆臣二子越枕戈避讎棲海濱  
及時列寃狀含意遂俱申乃望漁陽戍北風飄沙塵  
若見姑蔑旗陰雨施威神吳門有丘隴舊與要離隣  
陳尸赫中寢國命委荆榛楚王黜費氏棠君紀人倫

何如上公服寵光  
祿所親願無廢  
前勞報恩致其身

### 虎跑寺泉

大士始結構鑿空  
偏此丘二虎自南  
嶽掉尾從師遊  
神威攫地脉佛力  
驅陽侯枯火迸石  
罅松根解綢繆  
勢寧决躡去揮錫  
怒不休至今噴巖  
壑水猶咆哮流  
酌言生壯心一嘯  
風颼颼海眼在其  
下潮汐故可求  
不然胡僧呪爭使  
波瀾浮穿壁吐長  
澗夾寺瀦龍湫  
疑作故山雨片雲  
駐岫嶺歸應出東  
林無爲惠遠留

### 求志園

吳門有奇士二弟  
偕好脩鞍馬照紅  
顏往來長者游  
帶劍何良綺垂纓  
亦綢繆豈不攬豪  
賢我志非所求

吳門有奇士二弟偕好脩鞍馬照紅顏往來長者游  
帶劍何良綺垂纓亦綢繆豈不攬豪賢我志非所求  
駕言旋北郭灌園依一丘白雲蕩虛壑餘暎翻寒流  
置酒臨高臺邈馬懷其儔鴻鵠旣云舉千里常悠悠  
清風動帷幕皎月光沈浮讀書見古人鳴琴調逾幽  
無取廣川觀昔在漢陰叟天子御飛軒龍螭時乃  
寥回首望中原壯心未可收

子與至武林

良時能自至嘉會無常期長飈吹浮雲奄忽東南馳  
依依曳景光泠泠發餘悲非君命儔匹游子安可爲  
大江折其流武林愴以摧念今在往路執手野徘徊

何必同一身中懷貴不疑彈冠有逸響駕言即前綏

古意寄德甫三首

悠悠我行役往路殊未央春華不須臾奄忽踐嚴霜  
安知疑與喻風波起寒裳浮雲邈無所游子依故鄉  
長當遠離別何必復彷徨鴛鴦自踟躕黃鵠已翱翔

其二

嘉會在俛仰良時不可留悲風自遠至大江以悠悠  
中懷有白璧千載爲一投飛龍雙欲垂胡馬群相求  
徘徊視四海含意各未酬念此平生親從彼浮雲游

其三

明月照我牀清風感重闈遺書發懷袖彷彿見容輝

明月照我牀清風感重闈遺書發懷袖彷彿見容輝  
古歡匪自今游子當何依千秋一高唱豈獨知音稀  
莫言苦行役極宴不如歸努力兩黃鵠爲爾故鄉飛

贈德甫一首

豫章生庭中結根西山隈江流一蕩滴悲風千里來  
絲蘿謝依託冰雪抱崔嵬非不曼且碩時無栢梁災  
截爲玉女瑟絕勝龍門材展我清商曲彈作臨高臺  
洪厓領頤坐五鳳鬱徘徊

灌甫東陂宴

王孫古城隅東陂託偃仰回薄始翁雜高臺忽峻敞

風波一以交淪漪恣遐放列雉翳中流返照幕魚網  
曲磴盤層陰清房殷清響並逸金谷韻兼詣濮陽賞  
恢台兵戒隆曦披髮命吾黨美酒滌煩鬢冷言發神爽  
至今河朔人垂聲得個儻直置病游梁爲心任獨往



滄溟先生集卷之四











